



Broj: 01/01-34-0705/21

Sarajevo, 19.03.2021. godine

Na osnovu člana 7. Zakona o radu („Službene novine Federacije BiH“, br. 26/16 i 89/18) i člana 27. Statuta Javne ustanove „Služba za zapošljavanje Kantona Sarajevo“ Sarajevo (br. 05/1-3306/08 od 22.05.2008. godine; 05/1-0224/12 od 08.02.2012. godine i 05/1-0542/12 od 21.03.2012. godine i 05/1-0867/16 od 27.06.2016. godine), a postupajući po tački 11. Zaključka Vlade Kantona Sarajevo broj: 02-04-9707-2/21 od 16.03.2021. godine kojim se mijenja Zaključak Vlade broj: 02-04-9629-1/21 od 15.03.2021. godine, VD direktorice donosi

O d l u k u

o radnom vremenu u Javnoj ustanovi „Služba za zapošljavanje Kantona Sarajevo“ Sarajevo u uslovima ozbiljno pogoršane COVID -19 epidemiološke situacije

I

Radno vrijeme u Javnoj ustanovi „Služba za zapošljavanje Kantona Sarajevo“ Sarajevo (u daljem tekstu: Služba) organizuje se u prostorijama Službe u smjenama, sa kliznim radnim vremenom, kako slijedi:

I smjena počinje sa radom od 7,00 - 8,00, a završava od 13,00 - 14,00

II smjena počinje sa radom od 13,00 - 14,00, a završava od 18,00 - 19,00.

II

- (1) Preostali dio radnog vremena, od ukupno dva (2) sata rada odnosi se na rad izvan prostorija Službe.
- (2) Rad iz stava (1) ove tačke započinje nakon završene radne smjene u prostorijama Službe, te je radnik obavezan biti dostupan na kontakt broj telefona i elektronsku poštu putem kojih će obavljati radne zadatke.
- (3) Navedene podatke, kontakt broj telefona i e-mail adresu, radnik je dužan dostaviti neposrednom rukovodiocu.

III

- (1) Ukupno radno vrijeme, računajući rad u smjenama koji se organizuje u prostorijama Službe i rad izvan prostorija Službe iznosi 8 (osam) radnih sati.
- (2) Vrijeme namijenjeno za pauzu radnik koristi u vremenu rada izvan prostorija Službe.

IV

- (1) Svi radnici službe obavezni su biti dostupni putem e-maila, telefona i ostalih elektronskih vidova komunikacije radnim danom u radnom vremenu kada rade izvan prostorija Službe i bez odlaganja odgovarati na e-mailov-e i telefonske pozive, kontaktirati neposredne rukovodioce u cilju dogovora o načinu obavljanja radnih zadataka
- (2) Ukoliko se ukaže potreba radnici su dužni da se odazvati pozivu neposrednog rukovodioca i dođu u prostorije Službe.

V

Neposredni rukovodioci dužni su organizovati provođenje ove Odluke, posebno vodeći računa da se smanji broj radnika koji istovremeno borave u prostorijama Službe, a da procesi rada ne budu narušeni.

VI

- (1) Ova odluka odnosi se na sve radnike Službe.
- (2) Ostala prava i obaveze radnika regulisana su općim aktima Službe i ugovorima o radu radnika.

VII

- (1) Odluka stupa na snagu danom donošenja, a primjenjuje se od 22.03.2021. godine.
- (2) Odluka će biti dostavljena svim radnicima putem e-mail-a Službe.

Obrazloženje

Vlada Kantona Sarajevo je na 33. vanrednoj sjednici održanoj 16.03.2021. godine donijela Zaključak broj: 02-04-9707-2/21 od 16.03.2021. godine kojim se mijenja Zaključak Vlade broj: 02-04-9629-1/21 od 15.03.2021. godine kojim se u tački 11. nalaže:

„Svi privredni subjekti, kantonalni organi uprave, uprave i upravne organizacije, uprave i upravne organizacije koje se nalaze u sastavu ministarstava, javne ustanove, javni fondovi, kantonalna javna komunalna preduzeća i javna preduzeća dužni su organizirati rad od kuće, a ukoliko to nije moguće zbog prirode posla, organizovati rad u smjenama kako bi se smanjio broj lica koja istovremeno borave u organizaciji.“

Postupajući po navedenom zaključku, te prirodi posla koji obavlja Javna ustanova „Služba za zapošljavanje Kantona Sarajevo“ Sarajevo donesena je Odluka kao u dispozitivu.

Dostavljeno:

- Svim radnicima Službe
- Evidenciji
- A/a

PO OVLAŠTENJU

VP DIREKTORICE

Marko Čudić, vodilac Sektora za

poduzetne mjere zapošljavanja
i informatičke poslove

Milan Škvančić

Sarajevo, Đoke Mazalića 3,

web-stranica: www.szks.ba; e-mail adresa: info@szks.ba

Tel/;++387 (33) 569-100, fax: 204-177; Matični broj: 4200304610003;

Poreski broj: 01079085; Računi Intesa Sanpaolo Banka d.d. Sarajevo:

1549212010171056-depozitni račun, 1540012000135120-transakcijski račun

